



U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, Programom rada Federalnog zavoda za zapošljavanje za 2018. godinu i Odlukom Upravnog odbora o usvajanju Programa „Obukom do zaposlenja 2018“ broj: 01/1-49-7614/18 od 27.6.2018. godine, Federalni zavod za zapošljavanje o b j a v l j u j e

## JAVNI POZIV POSLODAVCIMA

### ZA PRIJAVU UČEŠĆA U PROGRAMU „OBUKOM DO ZAPOSLENJA 2018“

#### I

Za realizaciju Programa predviđena su sredstva u iznosu od 2.000.000,00 KM u skladu sa Finansijskim planom za 2018. i procjenom za 2019 i 2020. godinu.

Program će implementirati Federalni zavod za zapošljavanje (u daljem tekstu: Zavod) u saradnji sa kantonalnim/županijskim službama za zapošljavanje (u daljem tekstu: Služba/službe).

#### II

Cilj Programa je da se omogući obuka kroz stručno osposobljavanje i usavršavanje u konkretnom poslovnom okruženju za 1.200 nezaposlenih osoba, od kojih će se zaposliti najmanje 840 osoba.

Pod obukom, u okviru ovog programa, podrazumijeva se osposobljavanje ili usavršavanje nezaposlene osobe kroz sticanje praktičnih znanja i vještina za određeno zanimanje kod poznatog poslodavca.

#### III

Programom se sufinansira obuka kod poslodavca u trajanju do tri (3) mjeseca i jednokratna naknada za osobe koje zasnuju radni odnosna period od najmanje šest (6) mjeseci po okončanju obuke. Obuka može trajati najviše do tri (3) mjeseca, a obavlja se kod poznatog poslodavca.

Mjesečni iznos sufinansiranja obuke je 351,60 KM po osobi i odnosi se na sljedeće troškove:

- naknada nezaposlenoj osobi u iznosu od 226,00 KM;
- porez na dohodak po stopi od 10% u skladu sa propisima o porezu na dohodak;
- doprinos za penzijsko i invalidsko osiguranje za osobe osigurane u određenim okolnostima u iznosu od 3,00 KM u skladu sa propisima o penzijskom i invalidskom osiguranju;
- nastava (praktična i teoretska) – troškovi/naknade mentoru/predavaču, obrazovnoj ustanovi, korištenje opreme i repromaterijala, potrošna roba i materijali, stručna literatura i materijali, u iznosu od 100,00 KM.

Poslodavac je obavezi da primi u radni odnos, u trajanju od najmanje šest (6) mjeseci, najmanje 70% osoba koje su okončale obuku, nakon čega Zavod poslodavcu isplaćuje jednokratno iznos od 600,00 KM po osobi.

#### IV

Ciljnu grupu čine nezaposlene osobe prijavljene na evidenciju kantonalnih/županijskih službi za zapošljavanje prije dana zaključenja ugovora o obuci između poslodavca i nezaposlene osobe, bez obzira na radno iskustvo, dob i stepen obrazovanja.

Za vrijeme trajanja obuke nezaposlena osoba i dalje ostaje prijavljena na evidenciji kantonalnih/županijskih službi za zapošljavanje.

#### V

Korisnici Programa su poslodavci registrirani u Federaciji BiH koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

U Programu ne mogu učestvovati:

- poslodavci koji su koristili kreditna ili bespovratna sredstva iz poticajnih mjera Zavoda/Službe a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva,
- poslodavci koji ne izmiruju redovno obaveze po osnovu poreza i doprinosa, ili koji nemaju potpisan sporazum sa Poreznom upravom Federacije BiH o izmirenju duga po osnovu doprinosa,
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

#### VI

Prilikom prijave na Javni poziv za učešće u Programu poslodavac dostavlja:

- zahtjev za učešće u Programu dostupan na Internet portalu: [www.fzzz.ba](http://www.fzzz.ba);
  - plan i program obuke sa specifikacijom troškova;
  - odluku o mentorstvu;
  - broj računa u poslovnoj banci na koji će se sredstva doznačiti;
  - ovjerenu izjavu:
    - da će 70% osoba, čija se obuka sufinansira radi zapošljavanja, zadržati u radnom odnosu najmanje šest (6) mjeseci po okončanju obuke;
    - da po ovom programu neće zaposliti osobu koju je otpustio u prethodnih 12, odnosno 24 mjeseca, u skladu sa odredbama Programa.
-

## VII

Zavod obrađuje i provjerava prispjele zahtjeve poslodavaca po redoslijedu prispjeća, te ukoliko je dokumentacija validna, dostavlja zahtjev Upravnom odboru Zavoda na odobravanje.

Nakon odobravanja zahtjeva, Zavod obavještava poslodavca da u roku od 30 dana dostavi dokumentaciju potrebnu za zaključivanje ugovora.

## VIII

Prijave sa svim traženim dokumentima dostaviti lično ili poštom preporučeno, sa naznakom **“Prijava na Javni poziv u Programu Obukom do zaposlenja 2018 – ne otvarati”** na adresu:

**Federalni zavod za zapošljavanje  
Đoke Mazalića 3, 71000 Sarajevo**

*Javni poziv se objavljuje 12.7.2018. godine, a ostaje otvoren do potpisivanja ugovora u vrijednosti raspoloživih sredstava, a najdalje do 31.12.2018. godine.*

**Napomena: Cjelokupan tekst Programa „Obukom do zaposlenja 2018“ dostupan je na web portalu: [www.fzzz.ba](http://www.fzzz.ba).**

---